

Was merr su babbeld

Was leiden doo uffem Boddem vor de Trebb?
Ei e Dascheduch.
Warum duden dess doo leie?
Weils gewäsche werrn muss.
Unn doo schmeißdes grad uff de Boddem?
Wennde in die Wäschkisch giehst ...
... dann soll ischs mett enunner numme?
Habb isch gedenkt.
Dess in de Wäschekorb ze schmeiße fällder nitt oi?
Iss joo gut, isch machs gleisch.
Warum solls donn gewäsche werrn?
Ei weils nass iss dorsch moin Schnubbe.
Isch moon, du deest ewe vill verbrauche.
Was donn?
Ei Daschedischer.
Die brauchmer halt alls.
Ferr was?
Ferr die Nas ze butze, ferr de Enkel die Träne abzetrockene ...
Su kloone Enkel hawwe merr nimmi.
Ferr ze winke wennse fortfahrn, ferrs Blut abzebutze ...
Ferrs Blut abzebutze?
Ja, wonn isch misch beim Rasiern geschnidde habb.
... unn ferr doi Hemd abzebutze wennde disch beseeweld host.
Aach dess. Unn ferr die Scheiwe im Audo sauwerzemache.
Alls meddem selwe Dascheduch?
Doodeferr sinnse doch doo, die Daschedischer. Unn aach ...-
Unn aach ferr was?
Ferr die Dame, ferrs Fallelosse uff de Strooß.
Wie, ferrs Fallelosse?
Ei joo, wenn e Fraa will, dass enn Monn noochere guggt.
Was du werre verzähle dust.
Ja, uff de Strooß lässt e Fraa ess Dascheduch falle ...
... unn wenn du ahler Simbel ihrs donn bringe dust ...
... kann ebbes oogefonge werrn.
Ei was donn?
E bissi Gebabbel iwwers Wedder unn su.
Dess gibt's heit nimmi, Daschedischer falle losse.
Naa. Heit heeßts: Gewwese merr lhne Ihr Händynummer.
Hosde dess schunn emol geheerd?
Naa, awwer geseh, wie Daschedischer fortgeschmisse werrn.
Awwer donn sinnse aus Babier.
Ja. Awwer die hebt kooner uff, die Romantik iss futsch!
Unn die werrn iwwerall hiegeschmisse.
Aach in die Oikaafswaache vumm Aldi unn vumm REWE

Dess iss e werklisch e Sauerei.

Awwer weesche emm Dascheduch hotts schunn Doode gewwe.

Josses naa, hier in Flerschem?

Na, nitt in Flerschem, in Englund.

In Englund? Ei wonn dann?

Dess iss schunn long her.

Verzähl emol.

De Scheekspier hotts beschriwwe.

Wer issen de Scheekspier?

Ei su enn englische Dischder, su enn alde.

Unn was hott der beschriwwe?

Doo war su e Mädche, Desdemona hottse gehaaße, die hott e Dascheduch verlorn, was ihrn Kummbeer Othello ihr geschenkt hadd. Dess Dascheduch dut enn onnern finne, unn doo hott der Othello gemoont, die Desdemona wär fremdgonge. Unn doo hotter se erstoche.

No, su ebbes. Alles weesche emm Dascheduch?

Unn dessweesche due isch moins jetz in de Wäschekorb.

Eiern Honnes